




## ՍԱՐԿԱՎԱԳԱԿԱՆ ՁԵՌՆԱԴՐՈՒԹՅՈՒՆ Ս. ՍՏԵՓԱՆՆՈՍԻ ՏՈՆԻ ԱՌԹԻՎ

**Դեկտեմբերի 25-ին՝ երկուշաբթի,** տոն «սրբոյն Ստեփաննոսի նախավկային և առաջին մարտիրոսին»:

Ս. Ստեփաննոսի տոնը Մայր Աթոռում միաժամանակ տոնն է հոգևոր ճեմարանի սարկավազ ուսանողների:

Մեծ տոնի առիթով Մայր Աթոռի սարկավագները իրենք են կատարում օրվա եկեղեցական երգեցողությանը ղեկավարությունը:

Այս տարի կրկնակի ուրախության և հոգեկից բերկրանքի առիթ էր հանդիսացել ս. Ստեփաննոսի տոնը հոգևոր ճեմարանի երեք ուսանողների սարկավագական ձեռնադրությամբ:

**Դեկտեմբերի 24-ին՝ կիրակի օրը,** Մայր տաճարում երեկոյան ժամերգությունից և նախատոնակից հետո, հոգևոր ճեմարանի տեսչության միջնորդությամբ և Վեհափառ Հայրապետի բարեհաճ արտոնությամբ, կատարվեց երեք ճորընձանների կիսասարկավագական աստիճանի տվչությունը՝ ձեռամբ Մայր տաճարի փոխ-լուսարարապետ գեր. տ. Հուսիկ եպս. Սանթրոյանի:

Այս ուրախ առիթով, նույն օրը, եկեղեցական արարողության ավարտին, հոգևոր ճեմարանի Ա լսարանի չորս ուսանողներ՝ Դազարոս Կյուրեղյան, Վարդան Տեղեքյան, Ռաֆիկ Սաղոյան և Արմեն Զիլավյան, տ. Հուսիկ արքայազանի տվչությամբ և օրհնությամբ ստացան ուրար կրելու իրավունք, իսկ Դ դասարանի ուսանողներ Խաչիկ Խաչատրյանը, Կտրիճ Ներսիսյանը, Ժիրայր Սիմոնյանը, Տրդատ Ծախլամյանը, Արտաշես

Մուշեղյանը, Տիգրան Սահակյանը և Արմեն Զիլավյանը ստացան դպրության չորս աստիճաններ:

**Դեկտեմբերի 25-ին՝ երկուշաբթի օրը,** ս. Ստեփաննոսի սեղանի վրա հանդիսավոր ս. պատարագ մատուցեց տ. Հուսիկ եպիսկոպոսը և կատարեց սարկավագների ձեռնադրությունը:

Խարտավիլակի պաշտոնը կատարում էր հոգևոր ճեմարանի տեսուչ հոգ. տ. Ներսես Ժ. վրդ. Պոզապպյանը:

Ձեռնադրությունից հետո տեսուչ տ. Ներսես Ժ. վարդապետը մի խրատական խոսեց՝ հանուն Վեհափառ Հայրապետի շնորհավորելով Մայր Աթոռի ինը սարկավագների տոնը:

Հավարտ ս. պատարագի բարեշնորհ եղիշե, Հովհաննես, Գրիգոր, Սասուն, Վրեժ, Հովսեփ, Արարատ, Հովհաննես, Հակոբ սարկավագները հոգ. տ. Ներսես Ժ. վարդապետի առաջնորդությամբ գնացին Վեհափառ՝ աջախամբույրով իրենց հոգևոր Հոր՝ Ամենայն Հայոց Հայրապետի օրհնությունն ստանալու իրենց տոնի առիթով:

Հայոց Հայրապետը հայրական ջերմ սիրով բարեհաճեց ընդունել Իր հոգևոր գավակներին և հոգեկից մի խրատականով նրանց մի անգամ ևս զինեց իրենց ապագա ծառայության և առաքելության սուրբ տեսիլքով:

Ժամը 15-ին, ի պատիվ Մայր Աթոռի սարկավագների տոնի և ի մասնավորի երեք ճորընձանների, հոգևոր ճեմարանի սեղանա-

տանը տրվեց ճաշկերույթ, որին մասնակցում էին Մայր Աթոռի միաբանությունն ու հոգևոր ճեմարանի դասախոսական կազմը:

Նորընծա սարկավագներին շնորհավորում են տ. Հուսիկ եպիսկոպոսը և, հանուն Մայր Աթոռի միաբանության, հոգ. տ. Նարեկ վրդ. Ծաթարյանը:

Սարկավագներին ուղղված շնորհավորական ջերմ խոսքեր են ասում նաև ուխտավորաբար Մայր Աթոռում գտնվող հոգ. տ. Ծնորհք վրդ. Գասպարյանը, հոգևոր ճեմարանի դասախոսական կազմի անունից՝ Սամվել Անթոնյանը և վերակացու Սիմոն Հովհիլյանը:

Վերջում նորընծա սարկավագների անունից շնորհակալական սրտագին խոսք է ասում Բ լսարանի ուսանող բարեշնորհ Հով-

հաննես արկ. Գրվրգյանը:

**Բարեշնորհ Արարատ արկ. Գալստյանը** ծնվել է Էջմիածնում 1950 թվականին: Վերջացնելով վեցամյա դասընթացները Միկոյանի անվան միջնակարգ դպրոցի, 1966 թվականին ընդունվել է հոգևոր ճեմարան:

**Բարեշնորհ Հովհաննես արկ. Գրվրգյանը** ծնվել է Լիբանանի Թրիփոլի քաղաքում 1949 թվականին: Նախնական կրթություն ստացել է Խրիմյան Հայրիկի անվան վարժարանում: 1963 թվականի հոկտեմբերի 20-ին ընդունվել է հոգևոր ճեմարան:

**Բարեշնորհ Հակոբ արկ. Նալբանդյանը** ծնվել է 1949 թվականին Բեյրութում: Նախնական կրթությունը ստացել է Մելքոնյան վարժարանում: 1965 թվականին ընդունվել է հոգևոր ճեմարան:

